

Godišnji izvještaj o radu Vrhovnog suda FBiH



Tužbe zatrpavaju sudije

VSFBiH je zabrinut zbog odluke da se u prvom stepenu bave predmetima boračkih revizija

Vrhovni sud FBiH jučer je održao godišnju konferenciju za novinare, na kojoj je predsjednik Amir Jaganjac istakao da je ova institucija uspjela, iz godine u godinu, drastično smanjiti broj neriješenih slučajeva. Međutim, upozorio je na pogubnost odluke da se ovaj sud bavi predmetima boračkih revizija u prvom stepenu. Jaganjac je rekao da je pitanje revizija boračke populacije aktuelno i nije dobro uređeno. Na ovom sudu trenutno ima oko 400 takvih predmeta.

Predmeti revizije

- Ustavno određeno je, po našem mišljenju, takvo da te predmete, u prvom stepenu, ne bi trebalo da sudi VSFBiH. Mi bismo trebali da radimo to po nekom vanrednom pravnom sredstvu. Mi smo pred Ustavnim sudom FBiH pokrenuli pitanje da li uopšte Vrhovni sud treba da rješava te sporove ili ne, kaže Jaganjac, dodajući da će 21. februara, na javnoj sjednici Ustavnog suda izložiti stav zbog kojeg Vrhovni sud ne bi



Amir Jaganjac: Smanjili zaostatke

Foto: D. TORCHE

trebao da se bavi predmetima revizije u prvom stepenu.

Na taj se način, smatra Jaganjac, uskraćuje mogućnost daljnje sudske zaštite tih lica koja se izvode iz prava.

- Tih predmeta će biti jako puno, trenutno ih je oko 400. S obzirom na to da Ministarstvo za boračka pitanja ima plan da pojača intenzitet rada na tim predmetima, za očekivati je da će ih biti na hiljade, rekao je Jaganjac.

Druga grupa predmeta, koja bi za VSFBiH mogla biti problem, jesu takozvani predmeti logoraša, kojima se ostvaruju razna pravna lica, koja su u ratu, na razne načine, bila lišena slobode.

- Mi očekujemo ogroman priliv tih predmeta koji mogu dovesti do otežanja rada Suda, ista-

kao je predsjednik Vrhovnog suda FBiH.

Ova institucija je u prošloj godini imala 3.716 predmeta prenesenih iz 2010. i priliv novih predmeta u 2011. kojih je bilo oko 4.100.

- Mi smo riješili kompletan priliv predmeta i ušli u rješavanje zaostataka, tako da smo u odnosu na početak godine zaostatke smanjili za 12 posto, kaže Jaganjac.

Velika efikasnost

Ovaj sud je u njegovom krivičnom odjeljenju, ostvario veliku efikasnost. Suđeno je u predmetima u kojima je izrečeno ukupno 960 godina zatvora. Presuđeno je i 12 predmeta ratnih zločina. Ono što je veliki problem i sa čime u VSFBiH nisu zadovoljni jesu smještajni kapaciteti Suda.

D. MOCNAJ